

中興禮書續編

中興禮書續編第三十八卷

凶禮四

永思陵四

成服一

淳熙十四年十月八日禮部太常寺言今討論下項

一檢照國朝故事皇帝合服初喪服白羅袍黑銀帶絲鞋白羅軟脚折上巾乞令工部下文思院日下製造供應一檢照國朝故事成服日皇帝服布斜布四脚裙袴冠帽竹杖腰經首經直領大袖布襪衫白綾襯衫皇帝視事日去杖首經小祥日改服布四脚直領布襪衫腰經布袴大祥日服素紗軟脚折上巾淺黃袍黑銀帶今來欲乞並依前項典故令工部下文思院計會御藥

院製造供應 一檢照國朝故事皇太后皇后太妃內
外命婦麤布蓋頭裙衫帔子首經絹襯服六宮內人無
帔及紹興七年典故內外命婦合入臨人仍加冠紹興
二十九年皇后所服係下文思院製造今來欲乞並依
前項典禮施行 一今來皇太子合服布頭冠布斜巾
布四脚大袖襖衫裙袴首經腰經絹襯服皇孫平陽郡
王合服布頭冠幘頭大袖襖袴腰經乞令工部下文思
院製造計會供納 一所有皇孫右千牛衛將軍緜未
冠欲依前項皇孫服制除去冠兼未赴朝謁所有朝晡
臨亦不合赴赴詔依

同日又言今檢照國朝故事擬定群臣服制並斬衰服
不詳 一中書門下省樞密使副尚書翰林學士節

度使金吾上將軍文武二品以上布頭冠布斜巾布四脚大袖襖衫袴裙首絰腰絰竹杖絹襯服 一文武五品以上并職事官監察御史已上內容省宣政昭宣知閣門事及內入都知押班布頭冠幘頭大袖襖衫袴腰絰 一自餘文武百官三省樞密院書令使已上及御史臺閣門太常寺引班祇應人布幘頭襖衫腰絰 一軍人百姓等白衫祇帽婦人素縵不花釵三日止 一契勘前項文武百官等合服孝服乞下臨安府委通判一員曹官一員製造仍關會所屬應行在職事官等員數供送給散施行 一檢照典故御前禁衛行門班直親從快行親事革等官自成服日前并服青紫或褐衫帶子至釋服日並依舊自成服日至釋服日前如遇朝

殿亦服青紫或褐衫帶子詔依 同日又言依典故諸

路監司州軍縣鎮長吏以下依禮例合服布四脚條帕

直領襖衫不並腰經以朝脯臨三日除之詔依

同日又言今檢照國朝典故下項 一自成服日至釋

服日前遇朝殿所有合用簾幙並用編素 一自成服

日至釋服日前所有輦輿并御龍直所執從物等權行

用淺黃色包裹詔依

同日又言今檢照國朝典故條具下項 一自哀舉日

皇帝不視事擇日成服 一擇日奏告天地宗廟社稷

諸陵昭慈聖獻皇后攢宮永祐陵攢宮安穆皇后攢宮

安恭皇后攢宮所有應合排辦事件並乞依自來奏告

禮例關報所屬排辦施行內昭慈聖獻皇后攢宮永祐

陵橫宮侯香表到日令紹興府依例一面擇日行禮

一舉哀日令臨安府禁屠宰三日詔依

同日又言檢會故事皇帝成服并文武百官掛服今參

酌合行事件下項 一合用香茶香爐炭火香合題湯

瓶注梳盤盞茶盞托奠茶酒盃子鈔鏹盆臺等乞下主

管喪事所指揮所屬排辦 一合用祝文一首述以皇

行太上皇帝升遐成禮之意 一合差讀祝文官員一乞於史官

內差充 一合用御封降真香一合 一合差侍香并

進茶酒捲簾舉祝板內侍乞下入內侍省量人數差

一合用定時尅擇官二名乞下太史局差撥施行名一

于殿內祔應一名于詔依宋會要十月十八日詔制

門外百官幕次前于詔依大夫將作監丞權太府少卿

章瑛假表文閣學士朝議大夫將作視舉職劉景傳

魚帶差光
舍人皇太子宮同主
察仗左武衛上將軍
服衣帶鞞鞋等
衫布袴履絁布
仍以髮黑帶去魚
人衣紫衫黑帶並
度隨宜改易服用從
無不射弓弩候過界聽使到審

成服儀

其日儀鸞司先設素幄於几筵之東稍前時將至分引
行事陪位官易服就位立班定皇帝服素服詣大行太
上皇帝几筵側素幄即座太史奏時及禮直官太常博
士引太常卿當前，慳悅伏跪奏太常卿臣某言請皇帝
為大行太上皇帝升遐成服奏訖悅伏興內侍官為皇
帝釋素服易哀服禮直官引讀祝文官詣香案西面北

立簾捲太常卿導皇帝出帳詣大行太上皇帝几筵側
西向褥位立奏請拜哭在位官皆再拜哭太常卿導皇
帝詣香案前三上香跪內侍進茶酒酌茶三奠酒攬伏
興奏請少立俟讀祝文官稍前跪讀祝文訖請皇帝哭
盡哀請皇帝再拜在位官皆哭盡哀請皇帝再拜在位
官皆再拜太常卿導皇帝還褥位再拜在位官皆再拜
太常卿導皇帝還帳簾降太常卿奏禮畢退百官稍移
班稍東進名班者出班致詞復位再拜奉慰皇太后次
進名再拜奉慰皇帝皇后訖班退

升殿行禮後過
行禮五信此

九日禮部太常寺言檢照典禮今來大行太上皇帝升
遐奏告昊天上帝皇地祇太社太稷各合差奏告官一

員於侍從官內差官奏告太廟別廟合差奏告官一員
并奏告諸陵合差奏告官二員並乞於南班宗室正任
以上差官奏告昭憲聖獻皇后橫宮永祐陵橫宮候香
表到日令紹興府依例一面擇日差官行禮祭告安穆
皇后橫宮安恭皇后橫宮各合差祭告官一員乞於南
班宗室正任以上差官前一日赴祠所致齋至日行事
所有奏告日辰令太史局選定合用香燭表文禮料等
令學士院入內內侍省等處施行詔依
十日隨龍崇信軍節度使致仕張世興言伏覩大行太
上皇帝上仙世興乞隨班赴赴掛服候祔廟畢日依舊
詔依

同日隨龍和州防禦使提舉祐神觀孫璫言伏覩大行

太上皇帝上仙璫係免奉朝請之人乞隨班赳赳掛服等詔依

同日禮部太常寺言今具下項 一檢照紹興七年典禮皇帝聽政如係未釋服以前其引班人若臨弔臨之禮即依舊且服衰經若遇內殿引班奏事即合服常服內繫纓帶人即易黑帶所有今來大行太上皇帝升遐未釋服前如行弔臨之禮即依舊服衰經如遇內殿引班奏事及從駕合常服黑帶 一檢照紹興七年典禮太常寺檢會永昌陵故事皇帝視事日去杖經服斜巾垂帽小祥日改服布四脚直領布襖衫腰經布袴二品以上官亦如之本寺參酌欲依皇帝視事日宰執奏事合去杖至小祥日去冠餘官奏事依此所有今來大行

太上皇帝升遐皇帝視事日宰執奏事合去杖至小祥
日去冠餘官奏事依此詔依

十一日禮部太常寺言今具合行事件 一檢照典故
小祥日皇帝行祭奠之禮畢易小祥之服改服布四脚
直領布襖衫腰經布袴所有文武百官五品以上并職
事官監察御史已上內客省宣政昭宣使知閤門事及
入內都知押班至小祥日陪位行禮畢改服布幘頭布
襖衫腰經布袴今來十月二十日小祥欲乞依上件典
故施行 一檢照典故大祥日百官服孝服陪位訖換
皂頭布服禫服至禫除日百官服禫服陪位訖換常服
黑帶今來十一月二日大祥欲乞依典故是日百官服
孝服陪位訖換皂頭中服禫服十一月四日服禫服陪

位訖換常服黑帶 一檢照典禮大祥祭畢合赴立班

文武官三省樞密院書令史以及御史臺閤門太常寺

引班祇應人合服禫服係素紗軟脚幘頭跨布公服白

鞋錫帶故例係除幘頭令臨安府製造給散其跨布公

服錫帶止令本府各支布一疋半自令包裹製造所有

今來禫服乞依前項典故令臨安府製造幘頭給散及

各支布一疋半自令包裹製造施行 一依典故皇帝

釋跨常服羣臣如之宗室出則常服居則衰麻以終喪

今來室合隨群臣釋服外仍合服屬終喪 一依典故

將來皇帝聽政祥禫群臣更不易服至禫服畢文武百

官有繫金玉帶及佩魚者並易以黑帶仍去魚其乘花

綉鞦拔座者並易以皂鞦俟祔廟畢別降指揮 一依

典故宗室婚姻各依服屬終喪日許令婚嫁 一依典
故民庶服制三日而除應婚嫁服除外不禁唯不許用
樂華飾百日依舊詔依

同日又言檢會紹興七年正月二十七日尚書省劄子
權太常少卿樓炤等申契勘內侍官除龍德宮祇應人
自合依今來所定官品服制其餘內侍官止合服淺淡
色衣如青皂褐色之類劄下入內侍省依劄子內事
理施行今來大行太上皇帝升遐欲乞依上件典禮於
禫除前所有德壽宮內侍官依所定官品服制其餘內
侍官如遇到德壽宮行禮合依所定服制如遇從駕及
出入和寧門合常服黑帶詔依

中興禮書續編第三十九卷

凶禮五

永恩陵五

成服二

淳熙十四年十月十四日詔大行太上皇帝奄棄至養
朕當衰經三年群臣自遵易月之令其合行儀制可令
有司討論以聞禮寺今討論到縗經三年儀制可令具
下項 紹興七年永祜陵典故二月一日詔曰三年之
喪朕不忍廢卿等以軍旅為言至於六七外朝之制勉
徇所請朕於宮中行三年之喪四日太常寺言皇帝視
事日宰執奏事合去杖至小祥日去冠餘官奏官依此
又言乞禫除畢服常服羣臣皆黑帶卒哭始純吉服

十一月二十八日太常寺言已得旨百官候祔廟畢純
吉服今來已選用十二日祔廟其百官合服吉服綠即
今皇帝御殿視事見服淡黃袍黑帶竊慮百官已服吉
服皇帝尚服淡黃袍黑帶於禮非宜欲乞候祔廟畢皇
帝視事日令有司供進純吉服於宮中即依元降詔旨
終三年之制詔禍變非常方深追慕所請易服純吉雖
在外朝情實不安并儀衛從物等可並依舊紹興八年
十一月禮部太常寺言來年正月二十五日大祥皇帝
自內服衰服至彔釋衰服服祥服行禮所有衰服依故
例於利方焚燒三月十七日禫除所有供進御服并見
應奉從物等及禁衛裝著服色合自四月一日並從吉
右契勘三年之喪天下達自漢以來以日易月後世遵

之謂合權宜至於晉武欲返古制紛紜之論卒莫能行
惟我本朝參酌今古實得中制外度用易月之令宮行
三年之喪蓋以上則有天地宗廟之祭下則有軍旅賓
客之事衰苴之服於外難行紹興七年徽宗皇帝升遐
大行太上皇帝當時欲服喪三年宰臣屢請遂從易月
之制外廷御殿服淡黃袍黑帶終二十五月所有衰服
直至是時方行焚燒以此見宮中實行三年之喪允合
禮制

十八日禮部太常寺言檢準紹興七年已降都省批狀
指揮按禮記曾子問曰三年之喪卒哭金革之事無辟
也者禮與孔子曰昔者魯公伯禽有為為之也注云伯禽封于魯
而任之急王事也即無易服之文唯春秋記晉襄公

始有墨線之制今來百司成服休務之後便合入局治
事即未審合從是何禮制俟指揮從官諫議到儀禮閱
子騫腰經從事則古人執喪未常易服也國朝以來遵
用此制今若遵守祖宗舊喪制之內入局不易服無可
疑者所有今來大行太上皇帝升遐其百官於以日易
月服制之內入局治事依上件禮例即不合易服詔依
二十七日禮部太常寺言勘會以降指揮喪服以日易
月二十七日而除士庶婚嫁服除外不禁其品官之家
未有該載今檢照元符三年正月二十一日禮部言文
武臣僚之家至山陵祔廟畢並許嫁娶仍不用花線候
開樂日依舊今來文武臣僚之家嫁娶欲乞依上件典
故施行詔依

二十九日左丞相王淮右丞相周必大知樞密院事施師點參知政事黃洽參知政事兼同知樞密院事留正言臣等伏見陛下執喪過禮臣庶感嘆昨來禮官具祖宗典故及紹興七年並遵易月之制至小祥日合去冠改服布四脚直領布襦衫而陛下聖孝冠古特降睿旨欲緣經三年令有司討論合行儀制後來禮部明言衰苴三年難行於外陛下留其奏於中久而未下今月二十日太上皇帝小祥陛下杖經如初臣等以國朝定制為言陛下流涕謂臣等曰大恩難以報情所未忍他日別議臣等惶懼而退今來太上皇帝祥禫在即陛下御服自有定制若猶未改群下實所難安乞以禮官討論到儀制付外施行詔覽卿等奏朕以大行太上皇帝升

遐今方逾月將來卿等表請易服御殿情未遑處朕欲
緣經素慳俟祔廟畢然後行祥禫之禮以日易月乃近
代從權朕所不忍卿等可與禮官折衷以聞

十一月一日禮部太常寺言檢照以日易月之制祖宗
以來祥禫禮畢並皆易服今年十二月二十日小祥雖
遵易月之制行禮而皇帝杖絰如初仰惟聖孝純篤超
冠前代為臣子者義當將順然於祔廟後方行以日易
月祥禫之禮則於祖宗典故恐有牴牾師魯等參酌莫
若取法太上皇帝紹興七年執喪之制則於古為已後
厚於今為不薄今者伏覩皇帝於小祥之後尚服杖絰
輒敢折衷其說欲乞大祥禮畢改服小祥之服布四脚
直領布襖衫腰絰布袴禫祭禮畢服大祥之服素紗軟

脚折上中淺黃袍黑銀帶至祔廟畢改服皂幘頭淺黃袍黑鞋屨帶如遇車駕詣德壽宮燒香則於宮中服纁經行禮其衰服欲依紹興七年典禮至二十五日大祥日釋除庶幾仰足以彰聖主罔極之恩詔依 淺黃袍改服白袍

十五年正月二十一日上諭宰執曰昨內引洪邁見朕已經百日猶服衰麓因奏事應漸今宜服參如古人墨衰之義而則用絹或羅朕以羅絹非是若用細布則可王淮等奏尋常士大夫丁憂百日中衫皆用細布出而見客則以黻布今陛下舉千古不能行之禮書之史冊足為萬世法上又曰晚間引宿直官之類如何淮等奏布中背子便是常服上以為然

殿攢

淳熙十四年十月九日禮部太常寺言今檢照典故將
未殿攢合行事件下項 一殿攢日時及祭土時并殿
攢方位並太史局選定所有祭土之禮合係都大主管
官行禮 一殿攢合用天盤綵網沙柏木壑籠帳罩子
香藥麻灰物色等乞令都大主管喪事所指揮所屬計
置排辦 一殿攢訖皇帝行燒香禮文武百官立班陪
位 一殿攢時前行祭土之禮合用祝文一首述以太大
上行
皇帝在殿攢時 一殿攢訖行燒香之禮合用祝文一首
述以爲大行太上皇帝之意 一合差讀祝文官一員乞
於史官內差官 一合用供養食并茶酒果燎草香爐
炭火等乞下都大主管喪事所行下所屬排辦一合用

炭火等乞下都大主管喪事所行下所屬排辦一合用
御封降真香二合一合差侍并進茶酒捲簾捧祝版
內侍乞下入內侍省差官詔依

十二日太常寺言據太史局申今供選大行太上皇帝
殿攢日時及祭土時并殿攢方位宜用十月十六日癸
未吉時宜用其日午時八刻丁時吉依故例前二刻祭
土神俟時及遷梓宮進向東南利方興工殿攢詔依

殿攢儀

前一日儀鸞司先設素帷於大行太上皇帝殿攢方位
之東稍前其日祭土時至都大主管大行太上皇帝喪
事官行祭土之禮以俛太史報時及導奉大行太上皇
帝梓宮至殿攢方位

其日合用儀物令都大主管
大行太上皇帝喪事官供應都大

主管大行太上皇帝喪事官監視殿擯訖分引行事陪
位官就位立班定皇帝服衰服詣素幄即座禮直官太
常博士引太常卿當幄前俯伏跪奏太常卿臣某言請
皇帝為大行太上皇帝殿擯燒香之禮奏訖俛伏興禮
直官引讀擯文官詣香案西向北立簾捲太常卿導皇
帝出幄詣西向褥位奏請再拜哭在位官皆再拜哭太
常卿導皇帝詣香案前三上香跪內侍進茶酒酌三奠
酒俛伏興奏請少立俟讀祝文官稍前跪讀祝文訖皇
帝哭再拜在位官皆哭再拜太常卿導皇帝還褥位奏
請再拜在位官皆再拜太常卿導皇帝還幄簾降太常
卿奏禮畢退百官移班稍東進名班首出班致詞復位
再拜奉慰皇太后皇帝皇后訖班退

中興禮書續編第四十卷

凶禮六

永思陵六

小祥大祥禫

以日易月

淳熙十四年十月十日禮部太常寺言檢照典故喪服以日易月所有小祥大祥禫除日依禮經各有祭告之禮遇前項日皇帝親行祭奠之禮並如成服之儀伏覩大行太上皇帝遺詔喪紀以日易月合至十月二十日小祥十一月二日大祥四日禫除其逐日依前項典禮皇帝親行祭奠之禮並如成服之儀所有合行排辦事件乞依今來成服已得指揮施行詔依同日又言將來小祥今具合行事件下項 一合差讀

祝文官一員乞於史官內差充

大祥禫祭並在此

一小祥

日依禮例百司作休務假一日其大祥禫除乞依此施

行 一所有皇帝成服并小祥禫祭其合用煥草乞令

臨安府專差衙前計會本殿交收所有行禮畢合焚祝

文乞令本司交付本殿一面焚燒詔依

十月十四日禮部太常寺言所有小祥大祥禫除行禮

百官合行陪位立班竊恐不測值雨乞令臨安府同儀

鸞司日下於德壽宮門裏至殿門外隨宜絞縛露屋詔

依

小祥儀

大祥禫祭並在此

立次禮直官太常博士太常卿詣

恆前立定次於几筵殿之東禮直官引讀祝文官先詣

殿上香案之西東向御史臺閣門太常寺引陪位官北

向立班俟皇帝服衰服詣帷即御座簾降禮直官太常

博士引太常卿當帷前俛伏跪奏太常卿臣某言請皇

帝為大行太上皇帝小祥行祭奠之禮

大祥日奏云大祥行祭奠之禮

禘除日奏云禘除行祭奠之禮奏訖伏興退復位簾捲前導官前導皇

帝出帷詣殿下褥位西向立太常卿奏請拜皇帝再拜

舉哭在位官皆再拜哭前導官前導皇帝陞殿詣香案

前奏請上香再上香三上香跪內侍進茶酒奏請皇帝

酌茶三奠酒俛伏興又奏請皇帝少立俟讀祝文官讀

祝文訖奏請皇帝哭盡哀在位官哭奏請拜皇帝再拜

在位官皆再拜訖前導官前導皇帝降階詣殿下褥位

西向立奏請拜皇帝再拜在位官皆再拜訖前導皇帝

還帷簾降禮直官太常博士引太常卿詣帷前俛伏跪

奏太常寺卿臣某言禮畢伏興退百官移班稍東進名班首出班致詞復位再拜奉慰皇太后皇帝皇后訖班退。皇帝易小祥之服。各服如奇歲於成服門

請還內聽政

淳熙十四年十月十一日禮部太常寺言檢照典故百官自不入臨日皇帝未聽政已前百官於文德殿門外進名起居候皇帝聽政日朝如常儀今乞依上件典故施行詔依

同日尚書省劄子今月十二日率文武百官詣德壽宮拜表奏請皇帝還內聽政

十月十二日請還內聽政第一表皇天降割慈極上賓孝思痛貫於宸衷號慕忍違於哀次敢即道揚之命祈

從聽斷之權恭惟皇帝陛下誠恪兩儀行高百代久以
天下之養娛於太上之尊忽大故之非常實有邦之不
幸嫫嫫在疚聖情深罔極之恩瞿瞿如求至性越有餘
之戚臣心震懼國事浩繁爰稽掌故之儀宜反宅憂之
位伏望陛下禮存中制喪抑過哀服成三日之餘暫回
帷殿躬覽萬幾之外時奉總筵庶俯慰於群情亦仰承
於遺詔批荅省表具之天傾地折舉率土以同悲創鉅
痛深愴菲躬之何恬茹苦正淪於骨髓端憂殆裂於肝
腸夫何百辟之陳已促萬幾之御聽於冢宰初無政事
之淹念昔先人或可羹牆之見至於來請所不忍言雖
衆志之重違在斯心而難徇所請宜不允

十月十三日拜第二表冒貢封章懇祈臨政皇情深測

詔旨弗俞。薦仲迫切之誠。冀動崇高之聽。竊以天子之
 孝。異乎匹夫聖人之心。先於達節。雖諒陰之戚。亦思付
 託之艱。俯以從權。勉而決事。恭惟皇帝陛下。道兼倫制。
 性盡愛欽。慈庭初爽。於豫和鑿。輅益加於定省。不說冠
 帶。憂勤備罄。於武王如見。羹播號泣。遽鍾於舜帝宮闈。
 感慟朝野。哀摧仰知。孝慕之無窮。伏念恤章之有犯。矧
 此遺留之訓。具存聽覽之期。願救乘輿。姑還翼室。舉音
 而臨殿中。自有於漢儀作命。以言臣下庶承於商令。慈
 為順變。望賜矜從。批荅省表。具之禍變。慈宸哀思。尊養
 望乘雲之馭。方慕於終身。遵易月之文。已違於本志。矧
 在執喪之始。敢從入趨之常。荐覽牘章。趨祈聽斷。昊天
 之德。欲報顧豈有窮。法宮之事。自親抑將何忍。尚承前

指式體予心所請宜不允

十月十四日拜第三表喪無二事禮有從權滙血書辭
既竭愚誠之翼翼偃躬拜命未回聖孝之皇皇上念家
邦之閔憂決虞軍國之重大敢陳三瀆庶望兩全仰惟
慈皇新棄至養寢門近止思問膳以無因前殿巋然欲
奉危其何及此淵衷不堪於哀痛而庶政奚暇於統臨
然而道貴適中孝允斷志若稽前考本朝行宮中三
年之喪自應古誼決天下萬世之務皆循時宜恭惟皇
帝陛下德並重華義殊訪落朝於未央者二十六載亘
古所無慶於德壽者八十一秋在今何憾願體付託得
人之訓深裁悲憂過制之情趨素伏以還宮御清廟而
聽事欲報之所莫大於斯批荅省表具之家拜大故實

哀疾之靡寧政務繁機益聽修之未暇比繇群請疊諭至情中念棘艱方深推割入居翼室禮或在於朝端憂服倚廬詎敢違於喪次况信然不言之始豈厲精決事之宜其勉於庶官訖助成於孝制所請宜不允

同日又諫議大夫謝諤殿中侍御史冷世光監察御史吳博古言臣等今月十一日伏見宰臣率百官拜表奏請皇帝還內及聽政等亦嘗隨班拜表請退伏惟念三日聽政固有遺語及國朝典禮可稽至若還內典故前所未有陛下一日躬行將以為萬世法所繫至重是以表雖再上未賜允俞臣等竊料聖意思付托之重極哀慕之心必未能遽抑至情俯狗羣請兼十六日殿攢甫畢羣臣晡入臨未竟且去小祥之日無幾伏望聖慈明

詔大臣少緩進表與禮官更加詳議酌典禮之宜揆人情之稱上以丕昭聖孝下以垂法將來天下幸甚臣等蒙被大恩毫髮未報苟有管見不敢緘默干冒天威罪當萬死詔依

十月十六日拜第四表伏讀訓辭未親政事再命三命而俯俸何敢續煩一日二日之幾微豈容但已臣等聞自周而上何必高宗之諒陰由漢以來遂有文帝之制度雖云易月之令不廢終身之憂徒以門內之恩特為天下而屈恭惟皇帝陛下受天至性執古通喪率禮無違蒸親罔極齊蔬之服飭粥之食皆與下同顏色之戚哭戚之哀獨由中發茲誠創鉅而痛甚然念葉大而事叢苟循三年之不言曷俾百官之承式載惟歷世之主

率用權時之宜非不知行道之人皆弗忍也蓋亦本先王之制俯而就之伏望陛下酌祖宗之帝行為社稷之大計駕回廣內豈必日見於羣臣國有繁機姑願躬裁於急務別遵彝典請聽治朝批荅省表具之朕以充積咎勞遭罹閔凶永惟陟岵之思可勝居廬之痛子欲養而親不在何以解憂禮不足而哀有餘固將盡制而臨政之請拜章屢來豈有三年之喪曾無一日之感諭意以費衆聽其孚所請宜不允

十月十八日表第五表 孝大憂深情難抑奪誠微辭淺意未宣通呼天號鳴無地隕越伏以本朝恤典具垂列聖之規太上仙遊預播大行之旨凡今啟請悉出遵承惟是北宮遠於南內方仰倚廬之慕敢祈行殿之還

第緣機務曠弛之多且復宿衛暴露之久今則葢塗已畢練祭繼陳僕為大政而暫回則於孝治而無伏望皇帝陛下痛裁哀毀深念艱難體我先皇親授神器尚虞國事妨於五日一朝之中豈欲邦彞廢于千秋萬歲之後惟勤愛日之治實慰在天之靈矢詞已窮得請乃止批荅省表具之朕躬三年之喪而欲極於孝思却九重之務而冀額於哀奉屢上還宮之儀敢聞臨政之期諭荅已周懇祈猶確慈容如在忍玉几暫離追慕何勝痛西階之初殯特念羣心彌切國事匪輕仰遵遺誥之垂仍緩決辰之久式咨協輔姑示權宜勉循所請俟過小祥還內設素帷輔臣奏事

十月二十日禮部太常寺言勘會文武百僚拜表請皇

帝還內并聽政已降批荅勉徇所請俟過小祥還內設
素帳輔臣奏事所有車駕還內并過車駕詣德壽宮行
燒香禮如宮中之儀今欲乞除應奉官權服常服黑帶
隨駕外其從駕官及逐幕次起居官於禫除前權免從
駕起居先赴德壽宮門外幕次迎駕起居俟禫除後依
舊從駕起居詔依

同日內侍黃澄傳奉聖旨指揮今月二十一日車駕還
內聽政應從駕臣僚并沿路逐幕次起居官屬并儀衛
等並免起居亦免奏萬福

中興禮書續編第四十一卷

凶禮七

永思陵七

御殿

淳熙十四年十月十一日禮部太常寺言檢會故事自釋服後至祔廟日前遇朔望不御前後殿百僚於常御殿門外進名奉慰今欲依上件典故於文德殿進名奉慰詔依

十一月十四日尚書省劄子今月五日率文武百官詣文進殿拜表奏請皇帝御正殿

十一月五日御正殿拜第一表永言孝思勉即西廂之次率循太十當臨南面之朝敢冒威尊敬陳悃悞恭惟

皇帝陛下以堯為父盡舜事親久依黃屋之非心忽愴
 白雲之賓帝儼然經杖雖更練祭而弗除潛焉涕洟每
 思大恩之難報間從素帷延對輔臣急先之務則必聞
 極辯之儀所未暇在延百執稽首一詞謂天固不言而
 四時行然辰必居所而衆星共宜臨端戾庶慰羣情伏
 望陛下順變節哀體元居正與其具禮閤門之內不忍
 斷恩孰若事親法官之中允為繼志願垂俞旨蚤復彛
 章批答省表具之朕遭家不造遂纏周極之哀悔禍之
 延未慈無窮之恤方悼心而失次敢顯面以居尊何意
 羣工遽伸剡奏代天而救五典猶將平決於青宮臨下
 而觀四方詎忍輒親於黼座但深悲愴難事聽從所請
 宜不允

十一月六日拜第二表國遭變禮已周易月之期朝有
常儀奉舉答陽之義懇祈莫遂震惕靡遑竊觀上古之
遺書備著成周之恤典延入莫室具嚴臣子之宅憂出
在應門登進公候而聽命茲為萬世之法則蓋得一時
之注權恭惟皇帝陛下執古御今因親教孝復先王之
制異晉武之空言執君子之喪過曾參之實行自經暮
練合視昕朝方且皇皇於衰經之中何暇穆穆於嚴廊
之上迨更祥禫已盡情文哀若極於有餘過將猶於不
及願稽中德曲循下情負宸而位明堂外俯臨於百辟
釋冕而反喪服內自致於三年率由舊章用答先訓批
答省表具之國有大憂時甫經於朔晦身為孝子哀未
迨於朝昏儼然衰經之居正爾衣冠之慕載披章奏但

激傷悲方當翼室以定宗詎可法宮而視事喪三年不為禮此意已明陛九級而上簾於心安忍雖嘉勤益亮誠懷所請宜不允

十一月七日拜第三表喪期有數當御外朝孝慕無容尚望中詔惟主明以理可奪而天高其聽甚早敢暨百僚躬冒再三之瀆冀從九陛日瞻咫尺之威竊惟古禮之難行蓋以後王之多事若五月居廬而戒命未有或三祀亮陰而恭默不言則必上廢朝廷之儀何由下臨軍國之務是以歷代皆從權宜至於我朝始參故實外循易月之令內盡通喪之情然而成服以還亦勉親於庶政既練之後乃延見於羣臣恭惟皇帝陛下欲重報于先皇悉增隆於舊制自我作古蓋將垂法於百王示

民有終豈特加人之一等願遵彝典少抑至懷亟發綸
言尊臨黼坐兩盡為極達孝全於武王四方來觀同心
戴乎舜帝批荅省表具之子孝於父必盡制以銜哀臣
贊其君或合權而相勉昨觀列辟之奏欲復斯朝之常
累曠既煩造庭未已大喪之授廬舍固艱棘之攸居當
宁之面公候迺懇祈之尤力將始臨於便座尚徐會於
正衙重拂爾誠實非吾志可自十八日內殿引輔臣及
上殿班俟過祔廟勉從所請

淳熙十五年四月二十詔朕昨降指揮欲衰經三年緣
群臣屢請御殿易服故以布素視事內殿雖有俟過祔
勉從所請之詔然稽諸禮典心實未安行之終制乃為
近古宜體至意勿復有請

宋會要先見宰相王淮等奏
昨已繼禮官文字謂宜麻三

之頭	司	裨	哀	至	君	奏	平	書	加	心	勉	至	袍	御	行	儀	官	近	委	題	等	年	
處	于	不	行	貼	州	臣	裁	麟	其	執	從	十	又	延	禮	帶	乞	代	經	今	紀	難	
官	直	度	麻	既	懸	服	力	然	堅	不	所	一	並	和	二	至	大	從	素	方	通	行	
交	銀	威	絳	畢	有	議	全	示	主	可	近	請	七	以	燕	十	祔	祥	雉	性	禱	于	
傳	布	誤	而	及	司	日	聖	以	聽	而	臣	故	月	布	並	五	廟	改	賤	俟	月	祀	
現	補	四	已	被	奠	淳	孝	終	大	不	皆	有	日	為	服	月	早	服	所	將	付	庭	
亦	下	方	此	禮	誦	照	以	喪	事	嚴	立	是	羣	之	大	而	改	小	不	耐	來	外	
多	注	己	符	卸	衣	丁	示	之	于	畫	易	詔	臣	拜	禁	祥	除	臭	怕	之	卿	等	
不	云	如	當	所	冠	未	百	志	內	官	月	拜	宋	表	則	服	上	類	服	等	行	今	
曉	上	此	與	不	制	十	官	杜	殺	之	劫	疏	史	請	布	而	抗	淡	黃	紗	與	祥	
四	領	而	遺	符	度	月	以	絕	之	劫	疏	史	請	布	而	抗	淡	黃	紗	與	祥	易	
脚	不	于	誦	則	大	八	刑	輔	寺	今	謀	禮	御	志	正	布	用	黃	袍	數	禮	禪	
怕	藍	布	同	止	率	日	四	臣	將	所	官	志	蓋	殿	三	遇	怕	改	鞋	折	官	之	
頭	則	四	日	當	盡	太	海	方	來	定	詞	三	遇	怕	改	鞋	折	官	之	禮	殿	大	
之	難	脚	俱	用	用	上	帝	皇	紉	廟	官	禮	年	上	宮	頭	服	帶	上	表	指	行	
說	間	之	下	布	令	皇	紉	廟	官	禮	年	上	宮	頭	服	帶	上	表	指	行	乞	付	
于	有	下	乃	回	左	帝	用	章	畢	況	官	之	和	猶	其	白	過	中	以	未	太	付	
記	舉	茲	過	脚	新	上	馬	勿	日	清	尤	製	概	經	折	袍	宮	白	則	黃	于	處	
溫	寒	云	數	直	之	仙	遺	來	再	降	再	心	再	心	再	心	再	心	再	心	再	心	再
公	備	陳	日	頃	之	遺	來	再	降	再	心	再	心	再	心	再	心	再	心	再	心	再	心
書	綏	怕	有	布	服	誦	燕	有	御	上	知	聖	廟	杖	白	每	經	黑	禮	乃	樹	井	淮

若	亦	如	直	也	于	生	今	于	以	數	則	之	亦	所	新	委	十	因	布	值
有	未	四	領	今	三	此	之	古	遠	行	不	說	若	謂	四	別	以	一	及	
遺	為	所	布	之	禮	四	禮	既	項	多	容	則	今	周	為	有	方	後		
今	失	而	本	公	圖	或	不	無	而	以	不	衆	之	武	之	遠	山			
以	也	已	文	服	上	耳	同	所	已	然	盤	尤	矣	之	代	林	前			
就	今	美	必	上	衣	直	者	子	成	也	兩	其	而	所	古	冠	而			
古	既	其	有	衣	而	領	則	謂	盤	乃	言	晚	又	制	者	亦	大			
而	不	初	下	下	者	能	亦	禮	之	有	之	且	者	即	名	兩				
不	知	容	相	有	古	分	何	官	中	強	既	者	耶	和	其	大				
知	其	其	而	禮	也	去	敢	之	自	為	曰	耶	詳	其	實	乎				
其	實	與	加	而	禮	也	信	或	相	之	直	至	其	言	本	乃				
實	之	矣	冠	而	也	其	而	從	就	說	領	以	其	其	一	後				
之	換	又	于	者	也	制	而	之	正	者	則	然	制	則	名	折				
換	反	但	首	而	也	具	如	太	國	曰	非	領	為	未	也	折				
四	至	見	其	又	上	欲	但	此	但	以	上	布	胎	知	今	上				
	于	公	服	曰	領	于	耶	亦	長	為	如	櫛	化	和	其	中				
	廣	服	布	布	也	儀	疑	不	布	上	既	如	其	若	官	角				
	古	之	有	禡	禡	禮	此	特	直	領	班	上	若	馬	以	而				
	而	上	所	禡	禡	其	特	知	總	而	子	領	馬	陳	乃	領				
	今	領	禡	則	首	像	法	于	但	足	亦	不	陳	之	以	帶				
	文	而	則	首	服	見	于	古	求	足	其	領	之	頭	帶	足				

其成首斜裙于當服仕冠中漢脚布日帝淳長是監達租之也
失服版巾而小到當而冠布黃直襪版初我官也司官合者又
一則獨四衫祥為白己懷四衫領衫布衰又下故即謂而遂前
也去冠脚非之為一為一此大銀脚黑布白斜服後而今守專亦履此
四之于冠直服襲一此大銀脚黑布白斜服後而今守專亦履此
脚蓋古制乃此衫又直乃有冠袴裙之布事袴冠帶史相所履朝若
說者斜四又直乃有冠袴裙之布事袴冠帶史相所履朝若
己免中物不可而一四脚裙有其綬三等腰布杖等腰布杖等腰布杖
見之乃不晚下之脚裙有其綬三等腰布杖等腰布杖等腰布杖
于遠民當一者其福果欄衫日直則領布杖等腰布杖等腰布杖
前制也初時與成于多之當所料世矣常之衫等腰布杖等腰布杖
蓋今喪未加于多之當所料世矣常之衫等腰布杖等腰布杖
字成服成于多之當所料世矣常之衫等腰布杖等腰布杖
文氏服成于多之當所料世矣常之衫等腰布杖等腰布杖
廣而服成于多之當所料世矣常之衫等腰布杖等腰布杖
古與冠所四用者如
冠而並用者如
為用既皆如有

之若存而與用正不之相於今同並施其失也
古皆為然也今天子之冠亦冕通直領上領古四
脚差用如之何而可也並于一時乎乙直領上領古
皆斷亦四物不祥而釋古祥改服只冠但前以熱布為
今喪制不當小祥而小祥改服只冠但前以熱布為
終其非是易去也今小祥改服只冠但前以熱布為
之冠制不當小祥而小祥改服只冠但前以熱布為
上巾三石一頭如不者非異物而於朝臣之美服上
云四脚任慢頭則知者非異物而於朝臣之美服上
曰四脚則尤非喪禮之宜何謂曰朝臣之美服上
視衫者則尤非喪禮之宜何謂曰朝臣之美服上
大其得失而在於取之正天子之制度備物之孝而
考其得失而在於取之正天子之制度備物之孝而
此等條目之多欲一而正天子之制度備物之孝而
本而說而已其制則曰斬衰三年為父為君如儀禮
服之說而己其制則曰斬衰三年為父為君如儀禮
負版拊衽布已視其制則曰斬衰三年為父為君如儀禮
至子成人不通貴賤而有麻腰經帶管布屨杖自天子
士禮今天子不通貴賤而有麻腰經帶管布屨杖自天子
十梁渾臣則如其本進衰冠之禮以為人等大木為
立然梁渾臣則如其本進衰冠之禮以為人等大木為
居處飲食之節行以修其本進衰冠之禮以為人等大木為
如上下類者一天切下草而去之則亦庶乎一玉之給

制而無給之威時矣而前此詠者高之倫其不知自漢
雖以所枯不誠心而能復行君父之行三年之喪上則慮夫臣民
無孝愛之誠三事會通貴賤之內則欲其所以立極導民
自之象始未獨年通貴賤之內則欲其所以立極導民
者親所難而無所獨年通貴賤之內則欲其所以立極導民
依連于此而無所獨年通貴賤之內則欲其所以立極導民
而致三年之喪曰此方無盡事云爾夫古者親而心喪死
三謂之哀如君父之喪而無盡事云爾夫古者親而心喪死
畫觀也君若曰必至而下方無盡事云爾夫古者親而心喪死
謂方觀也君若曰必至而下方無盡事云爾夫古者親而心喪死
血三年真若獨居父母之喪而無盡事云爾夫古者親而心喪死
己定有矣若獨居父母之喪而無盡事云爾夫古者親而心喪死
起然為冠則前所去紫華威之情者則無責乎其全雖以則
宜分則宜賤則親所去紫華威之情者則無責乎其全雖以則
之復許選人以親所去紫華威之情者則無責乎其全雖以則
請大夫以下大祥之許許中承大以以下各借祥之後其朝
道太職事高者從上高則速官者從新既官者從舊如比則亦

不修古制，古無古制，古無古制。山不修古制，古無古制。然也，不古不今，不古不今。之而不知，不古不今。秋則如我，不古不今。本非乃今，不古不今。取以先王，不古不今。元禮公服，不古不今。分五等，不古不今。制而大，不古不今。當更討，不古不今。其違守，不古不今。不廢且，不古不今。

四月二十四日，詔今後面對官依舊過六參日引。

德年四月廿二日，香所有今。一五日，初八日，更不施行。

三
是

四月二十八日三省樞密院言伏覩四月二十日聖旨
朕昨降指揮欲衰經三年緣羣臣屢請御殿易服故以
布素視事內殿有俟過祔廟勉從所請之詔然稽諸禮
典心實未安行之終制乃為近古宜體至意勿復有請
臣等恭惟陛下躬行要道復古之制詔音一頒臣民頌
歎臣等仰體聖孝不敢具表陳請惟是侍從史官管軍
御帶環列禁衛等皆合星拱宸極豈容曠日弗朝儻陛
下未欲臨正衙座垂拱自可間御後殿示存彛儀臣等
不勝惓惓乞下禮官同閣門御史臺參酌取旨施行詔
依

五月十四日禮部侍郎王襄等言竊惟三年之喪由漢

以來未有能行近世以日易月之後即御外朝今皇帝
聖孝卓冠近古昨降詔旨以布素視事內殿今有司勿
請竊詳政和五禮新儀祖宗朝元正冬日大朝會於大
慶殿月朔視朝於文德殿是為外朝望參於紫宸殿四
參於垂拱殿其日參及三省樞密院臣僚奏事或於紫
宸或於垂拱是為內朝再引公事及假日大臣非時奏
事或於崇政或於延和是為後殿每遇國郵羣臣請御
外朝謂正衙常朝也檢準國朝會要嘉祐八年三月二
十九日仁廟之喪英宗十月十三日始遇紫宸殿見羣
臣退御垂拱殿中書樞密以次奏事蓋始御內朝猶未
御正衙也今外朝內朝皆未臨御竊詳後殿及延和殿
乃祖宗崇政延和之正緣今來延和地步窄隘難以排

立侍從史官管軍御帶環例禁衛等今參酌欲乞皇帝於後殿視事儀制乞下閣門條具申請庶幾上可遂聖天子之孝下不廢朝廷之儀於禮為允乞最奏取旨施行照得皇帝布素視事後殿其合用儀衛欲乞令禁衛所條具量減三分之一以對聖主不忍崇飾之意閣門狀準省劄子宰執奏請間御後殿禮官討論到今參酌欲乞皇帝於後殿視事儀制乞下閣門條具所有御後殿日分取聖旨奉聖旨後殿坐起居班次並如假日儀遇四參日權令侍從官趁起起居所有御後殿日分令朝廷劄下太史局選日主管禁衛所狀準省劄節文皇帝御後殿視事合用儀衛欲乞於禁衛所條具量減三分之一一本所照得日帝後殿窠差班直親從共三百人

排立祇應遂具奏聞詔裁減一百五十人

五月十七日宰執奏所有御後殿日分令劉下太史局
選日太史局供選御殿宜用五月二十七日壬戌吉二十
八日癸亥吉即與國音別無妨碍詔用五月二十七日
七月八日中書門下省言垂拱殿四參起居官文官監
察御史以上武臣正任刺史以上起赴今年五月十四
日己降指揮權令侍從官起赴後殿起居其武臣觀察
使以上未有該載詔依 文臣侍從官已得指揮

十月空日禮官劉子檢照國朝典故喪禮外廷以日易
月祥禫後羣臣拜表請御正殿三上表乃從恭惟皇帝
孝思追慕冠越近古易月後正御內殿祔廟後正殿後
殿十月八日已行小祥之禮羣臣尚未敢拜表請御正

殿臣子之敬深未安欲乞遵依典禮拜表奏請皇帝御
正殿垂副率土祈願之誠

辛卯
上未九

中興禮書續編第四十二卷

凶禮八

永思陵八

按地一

淳熙十四年十月十一日詔大行太上皇帝攢宮按行使副差蕭燧吳回

十二日吏部尚書充按行使蕭燧等言準差充大行太上皇帝攢宮按行使副所有合行事件並乞依昨紹興二十九年九月三十日吏部侍郎兼權尚書葉義問等申請畫一已得指揮施行詔依

十一月二十三日禮部太常寺言準批下吏部尚書充按行使蕭燧入內內侍省押班充按行副使吳回奏躬

親將帶太史局天文二宅尅擇官太常寺禮直官并一
 行官屬前來相視到攢宮地段一據判太史局吳澤等
 狀恭詣永祐陵攢宮內先於懿節皇后攢殿正東相視
 地段其地係是國音陽氣三男之位及相視西北地一
 段地形低下土肉淺薄並難以使用今續恭詣徽宗皇
 帝攢宮殿籬圍之外相視正西偏北地一段林木榮盛
 土肉肥厚形勢順於山崗風水便於地理乃為聖朝萬
 世之利宜於此地卜穴堪充修製大行太上皇帝神冗
 即與國音並無妨礙所有今來已行相視吉地除已權
 用反泥標記神穴神圍四角訖又相視大行太上皇帝
 神圍外西北地形稍有高下不等去處候將來修奉攢
 宮量度地勢陵寢故例及經書法亦合隨宜補治即吉

所供並是詣寔如後異同甘侯朝典更乞行下太常寺
指定於典禮有無妨礙以憑施行臣等躬親前詣所相
視神穴神園地段去處監視打量丈尺約度標記神穴
中心及神園四至臣等再行詳問吳澤等今來相視到
徽宗皇帝橫殿籬圍外正四偏北地一段雖據申稱堪
充修製大行太上皇帝神穴即不見得今來相視西偏
北正地形與懿節皇后橫殿西北地形高下各爭丈尺
多少若將來標割其神穴委的是與不是王氣秀聚之
地及深淺有無水脈并石今來係在永祐陵塙外地段
山岡風水於國音地理委的有無妨礙又大行太上皇
帝神園外西北地形高下不等及有低下去處乞依故
例隨宜補治係依得是何陵寢故例及經書法補治臣

等令吳澤等再行審詳指定詣寔取判吳澤等狀契勘
今來相視到徽宗皇帝攢殿籬園外正西偏北地段與
懿節皇后攢殿西北地形高低丈尺乞行下壕寨打量
供申今來標記神穴去處委是秀氣所聚之地若將來
修奉大行太上皇帝神穴依得幽穴淺深法當深九尺
係合鳳凰成吉於尺寸內委無水脉頑石謹依經看詳
將國音陽氣壽命三男主山照望相度今來大行太上
皇帝神穴去處其地段山崗風水委寔順便即無與國
音地理皆無妨礙又看詳西北地形高下不等去處依
得昨來永祐陵故例合行依經隨宜補即吉所供並是
詣寔如後異同甘俟朝典臣等再令吳澤等供具逐次
供申事理委的是與不是盡寔據吳澤等供稱逐項所

中事理委的並是畫定如後異同甘伏朝典并取到壕
寨鍾善狀稱於今月九日同攢宮壕寨前去相視約度
到今來見行按到神穴神園地形比之懿節皇后攢殿
神園外西北地形約高二尺以來一據太常寺禮直官
高秉文等狀今檢照典故紹興十二年相視到昭慈聖
獻皇后橫宮西北地段卜穴修製徽宗皇帝顯肅皇后
懿節皇后橫宮緣西北百步禁地之外地形低下於北
壁偏西五十步內自南分穴別立外籬寨次北偏西安
穴隨地之宜分立神園各立內外籬寨檢會宮陵宮陵
儀制永定陵南寢三陵禁地一里九十步并陵寢地園
永厚陵東籬寨與永昭陵西禁地相侵永泰陵東籬寨
亦與永裕陵西禁地相侵看詳今來地段雖在攢宮禁

地百步之內若比附上件故事即與典禮別無妨礙已
得指揮趨那近上高阜處標記第一神穴趨那近南一
十五步近東七步半第二神穴趨那近南三十五步第
三神穴趨那近南三十五步標劄了當今取兩宮壕寨
狀昭慈上宮橫殿穴心自北至永祐陵青磚牆界計二
十四步永祐陵第一殿上宮橫殿穴心自南至昭慈夾
界青磚牆計二十九步總計相去五十三步今來太史
局相視到徽宗皇帝橫宮內籬圍外正西偏北地一段
宜於此地卜穴照得今來係在永祐陵禁地之內徽宗
皇帝橫殿神穴正西偏北約一百餘步以來及顯仁皇
后橫殿神穴正西偏南約六十六步以來安立今來大
行太上皇帝神穴雖禁步相侵若比附前項典故即無

妨礙緣今來標記神穴係在昭慈聖獻皇后攢宮西北
禁地百步之外其太史局稱地勢高下不等去處候修
奉日乞依陵寢故例及經書法隨宜補治若用上件地
段合自東隨地之宜分立外籬寨其神園外四辟安立
內籬寨正西偏北俯近行路防守營寨民居舍屋安泊
館舍依攢宮禁地條制合增展外籬寨封堠所有逐項
事理乞申明朝廷下太常寺看詳施行所供並是詣定
如後異同甘俟朝典并檢準中興禮書紹興十二年七
月二十一日指揮攢宮按行使司申為按行到徽宗皇
帝顯肅皇后懿節皇后攢宮標劄神穴神園除去屋舍
等奏告禮部太常寺看詳欲乞令按行使副先次約度
標劄神穴神園畢即赴行在次令所差覆按使副前去

覆按記即依按行使司條具奏告施行及再取到狀契
勘先申逐項事理並是詣寔如後吳同甘伏朝典臣等
今來所按上件地段並係躬親前詣監視打量丈尺約
度標記神穴中心及神圍四至仍取到吳澤等朝典文
狀開具在前今畫到圖本隨狀繳進乞行下太常寺看
詳如其地可用委無妨礙伏望特降睿旨許臣等標劄
神穴神圍施行臣等見在攢官側近聽候回降指揮伏
候勅旨貼黃稱臣等契勘紹興二十九年按行顯仁皇
后攢官當時具奏承指揮許便行標劄神穴神圍子當
却照得紹興十二年萬俟卨等按行永祐陵攢官具奏
乞標劄神穴神圍當時太常寺看詳到令按行使副先
次約度標劄神穴神圍畢即赴行在次曾差官覆按所

有今來按行具到上件典故與紹興十二年事體頗同
取自聖旨奏聞事批送禮部太常寺看詳檢照中興國
朝會要紹興十二年七月十三日詔資政殿學士左朝

奉郎提舉醴泉觀兼侍讀鄭意年充永祐陵攢宮覆按

使內侍省押班兼提點吳國長公主宅李珪充覆按副

使先是御史中丞兼侍讀攢宮覆按使其後等官地

即與國寺姪利相連天壽山依地不可用臣等今別

后攢宮之東其地係天壽山依地不可用臣等今別

按視列位慈聖高大林木等茂王色黃湖一帶王氣秀於

于地此乃為聖宋世之初又採太常寺禮直官王考

能步若于禁地外立永祐後攢宮祭地無妨得各今

來近北壁偏西地之外立永祐後攢宮祭地無妨得各今

次北偏西安穴隨地之宜分立神國各地可立以外所採

太常寺禮部直前正房能等狀稱若于路慈聖殿前
宮西北百步禁地之外別立永祚陵攢宮殿前慈聖殿
之內形似下不可安穴分立神園五步於外史乞下步
常寺看詳本寺今檢會宮後依制永定陵東南使三陵禁
地一里九十步并檢會宮後依制永定陵東南使三陵禁
昭陵西禁地相侵永祚陵攢宮殿與永祚陵西禁地相
侵今看詳按視到永祚陵攢宮殿與永祚陵西禁地相
與禮別無妨碍可差官覆按之故有是命也今看詳
緣有前項中興國朝會要內該載紹興十二年永祚陵
攢宮按有使副按視到昭慈聖獻皇后攢宮西北百步
禁地之外地形低下不可安穴分立神園典故詔令蕭
燧吳回詳禮部太常寺所申事理子細相視可與不可
卜穴疾速保明聞奏臣等將帶太史局判局吳澤等再
詣今來大行太上皇帝神穴神園地段子細相視可與
不可卜穴下吳澤等詳前項事理逐一再行從實供具

到下項 一判太史局吳澤等狀相視到大行太上皇帝神穴地段雖在昭慈聖獻皇后橫宮禁步之外即非紹興十二年相視永祐陵橫宮內第三殿懿節皇后神穴西北低下去處澤等相視到上件吉地係在徽宗皇帝橫殿籬圍之外正西偏地又在顯仁皇后橫殿近上正西向南其地委是高阜林木榮茂土肉肥厚形勢順於山岡風水便於地理乃為聖朝萬世之利堪充修製大行太上皇帝神穴所供並是詣寔如後異同甘侯軍令 一太常寺禮直官高秉文狀契勘太史局先稱相視到懿節皇后橫殿西北地一段地形低下土肉淺薄難以使用續恭詣徽宗皇帝橫殿籬圍之外正西偏北地一段堪充修製大行太上皇帝神穴又相視大行太

上皇帝神園外西北地形稍有高下不等去處候將來
修奉攢宮量度地勢依陵寢故例及經書法亦合隨宜
補治即吉當時遂檢坐紹興十二年已降指揮供申明
去後今來太史局稱相視到大行太上皇帝神穴地段
雖在昭慈聖獻皇后攢宮禁地之外即非昨紹興十二
年相視永祐陵攢宮內第三殿懿節皇后神穴西北低
下去處上件吉地係在徽宗皇帝攢殿籬園之外正西
偏北又在顯仁皇后攢殿近上正西向南其地委是高
阜堪充修製今來大行太上皇帝神穴今勘契合行事
理已於前狀供申了當所有卜穴即乞照應太史局前
後所申事理施行所供並是詣寔如後異同甘伏軍令
一臣等又令吳澤等同壕寨鍾喜等再行子細打量

今來神穴神園與永裕陵逐殿神穴各相去遠近并地形高低各若干丈尺據吳澤等供到狀同塚寨前去打量遠近丈尺地勢高低開具下項所供丈尺高低並實詣實如後異同廿伏朝典 一大行太上皇帝神穴比之徽宗皇帝神穴向北相去九丈七尺五寸其地形正西偏北高低相等 一大行太上皇帝神穴比之顯肅皇后神穴向南相去五丈有餘其地形正西偏南高低相等 一大行太上皇帝神穴比之懿節皇后神穴向南相去二十一丈六尺其地形自懿節皇后攢殿西北照望今來大行太上皇帝神穴高約如懿節皇后神穴西北二尺以來實及三尺臣等所據吳澤等狀並已開具在前保明是實伏望特降睿旨依紹興十二年典故

差官覆按施行後批送禮部太常寺看契勘先已檢照
紹興十二年典故供申外今未按行使副保明到吳澤
等供軍令狀即非紹興十二年相視到低下去處今看
詳合依禮例差覆按使副參驗諸實施行詔覆按使副
差葉翥楊皓

中興禮書續編第四十三卷

凶禮九

永思陵九

按地二

淳熙十四年十二月二十九日禮部太常寺言準批下戶部侍郎充覆按使葉翥入內侍省押班充覆按副使楊皓奏臣等躬親將帶太史判局天文二宅冠擇官太常寺禮直官并一行官屬詣按行使司已標記神穴去處及將元降下進呈圖本逐一參驗量到丈尺高低責據逐人文狀開具下項 一據同判太皇帝神穴係在徽宗皇帝橫殿籬圍之外正西偏北地段堪充修製大行太上皇帝神穴今來覆視得上件吉地若自徽宗

皇帝攢宮籬園之外正西偏北却自顯仁皇后攢宮穴
心同壤寨祝才打量至今來大行太上皇帝神穴係在
直西以南實及五丈有餘其地形係正西偏南即與顯
仁皇后攢宮地勢高低不等不係當來紹興十二年西
北低下地段及覆視懿節皇后攢殿正東地勢係是國
音陽氣三男之位及西北地形低下并難以使用并紹
興十二年修製徽宗皇帝顯肅皇后懿節皇后攢宮緣
在昭慈聖獻皇后攢宮西北百步禁地之外地形低下
於北壁偏西五十內自南分穴續承指揮趨那近上就
高阜處第一神穴趨那近南一十五步半第二神穴趨
那近南三十五步第三神穴趨那近南三十五步探穴
了當今將元趨那懿節皇后攢宮西北低下地段却直

南打量至大行太上皇帝神穴係相去一百四十步即非低下堪充修製大行太上皇帝神穴今來判太史局荆大聲等驗得昨按行使司判太史局吳澤等已標記下大行太上皇帝神穴神園委是地勢高平林木茂盛土內肥厚即與國音別無妨礙堪充修製大行太上皇帝攢宮所有合行事件乞照應按行使司已差判太史局吳澤等前後已申事理施行所供並是詣實如後異同甘伏軍令 一據理直官杜信等狀勘會太史局已中稱紹興十二年修製徽宗皇帝顯肅皇后懿節皇后攢宮緣在昭慈聖獻皇后攢宮西北百步禁地之外地形低下於北壁偏西五十步內自南分穴續承指揮趨那近上就高阜處第一神穴趨那近南一十五步近東

七步半第二神穴趨那近南三十五步探穴當了今將
 元趨那低下步數去處直南打量至今來大行太上皇
 帝神穴相去一百四十餘步即不係紹興十二年西北
 低下去處再自顯仁皇后攢宮穴心打量至今來大行
 太上皇帝神穴係在直西以南賢及五丈有餘其地形
 正西偏南即與顯仁皇后攢宮高低相等今參驗昨按
 行仗司禮直官高秉文等狀稱即非紹興十二年相視
 永祐陵攢宮懿節皇后神穴西北低下去處及今來太
 史局稱大行太上皇帝神穴係在顯仁皇后攢宮直西
 以南賢及五丈有餘其地形正西偏南高低相等雖禁
 步相侵比附陵寢典故即無相妨若用上件地段合自
 東分立外籬寨神園外四壁安立內籬寨西偏北俯近

行路防守營寨居民舍屋安泊館舍依攢宮禁地條制
合增展外其籬寨封堦等逐項事理乞申明朝廷下太
常寺看詳施行所有奏告行事件乞照應按行使司已
差禮直官高秉文等所申前後事理施行所供是實如
後吳同甘伏軍令一據塚寨祝才等狀照得按行使
司先已標記大行太上皇帝神穴係在徽宗皇帝攢宮
籬圍之外正西偏北地段今來却自顯仁皇后攢宮穴
心打量至今來大行太上皇帝神穴係在直西以南實
及五丈有餘又行打量昨紹興十二年趙那懿節皇后
攢宮西北低下地段却直南打量至今來大行太上皇
帝神穴係相去一百四十餘步所供詣實如後吳同甘
伏軍令臣等今來覆上件地段並係躬親監視再行打

量丈尺審覆元來按行使司已標記神圍四至逐一照
得即與按行使司已定事體一同及取到荆大聲等甘
伏軍令文狀開具在前臣等保明並是詣實伏候勅旨
後批送禮部太常寺看詳今照得織到圖本內貼說顯
仁皇后神圍至西牆一十二丈三尺西牆外至今來大
行太上皇帝神圍外之東空地約六丈三尺其所申狀
內據荆大聲等狀同壕寨祝才打量自顯仁皇后橫宮
穴心至今來大行太上皇帝神穴係在直西以南賢及
五丈有餘今契勘得荆大聲等所稱打量到丈尺即與
圖本內貼說丈尺不同致看詳未得伏乞朝廷批送今
狀下覆按使司照應前項事理契勘供申行下以憑看
詳施行後批送覆按使司契勘申尚書省契勘顯仁皇

后神圍至西牆一十二丈三尺西牆外至今來大行太上皇帝神圍外之東空地約六丈二尺今來荆大聲等同塚寨祝才打量得自顯仁皇后攢宮穴心至今來大行太上皇帝神穴直西以南實及五丈有餘即與昨來按行使司元按事理一同別無那動丈尺所是今來祝才打量係是聲說直西以南丈尺保明是實伏乞照會施行後批送禮部太常寺看詳契勘今來申到及先申保明到荆大聲等供軍令狀再行打量丈尺審覆元來按行使司已標記下大行太上皇帝神穴神圍修製大行太上皇帝攢宮令自東分立籬寨神圍內四壁安立內籬寨正西偏北俯近行路防守營寨居民舍屋安泊館舍依攢宮禁地條製令增長外其籬寨封堠等乞看

詳施行今看詳所乞分立增展羅封墩等於典禮別無妨礙詔依

十五年正月二日禮部太常寺言修製攢宮下手日依故事合行祭土其行禮官係按行使詔依

同日攢宮按行使司言恭奉聖旨前去紹興府攢宮標劉大行太上皇帝神穴神園并祭土破地今據太史局別局吳澤等狀并太常寺禮直官高秉文等狀具到合行事件下項 一據別太史局吳澤等狀勘會大行太上皇帝攢宮地段將來分立神園候奏告了當日所有永祐陵西北鋪屋及窠木等有碍打量索路合行除去伏乞申明朝廷行下所屬至日指引除去施行 一據太常寺禮直官高秉文等狀勘會今來已相視到大行

太上皇帝攢宮地段許行標割分立神穴神園所有永
裕陵西北鋪屋及窠木等有礙打量索路合行奏告了
日除去今契勘依禮例合差官奏告昭慈聖獻皇后攢
宮永裕陵徽宗皇帝顯仁肅皇后顯仁皇后懿節皇后
攢宮畢應時下手去折除去今具合排辦事件合用御
封降真香五合祝文五首述以為分立大行太上皇帝
神園除去有碍鋪屋窠木等
奏告之意合差奏告官五員乞依禮例從按行仗司就差本
司幹辦公事屬官文臣充如不足乞從按行仗司牒報
紹興府差職官合差太祝五員乞下紹興府差文臣有
出身人充合用奏告時日乞令按行仗司尅擇官選定
行下所屬排辦行事官禮直官定時指引尅擇官禮生
各合前一日致齋合用供香牙盤食茶酒果蠟燭燎草

上香木炭拜席褥乞行紹興府應辦施行仍令本府差
禮生八人祇應事畢發遣合用奠茶酒盃子鈔鑪盆臺
香爐匙合椀椌茶酒盞等並乞從自來薦獻禮例施行
據判太史局吳澤等狀供具吉日時刻即與國音別無
相礙奏告除去鋪屋等宜用正月八日甲辰吉劉樞神
穴神園宜用其日卯時八刻乙時吉祭土破地宜用正
月十日丙午吉時宜用其日午時八刻後丁時吉下手
吉方宜於神園正北偏西壬位下手吉詔依

五日按行使司言據判太史局吳澤等狀契勘祭土破
地依經祭告合用物色開具下項 一祭告共二十四
位五方五帝太歲神君當處土地后土陰官山川百靈
阡陌將軍邱丞墓伯幽堂亭長十二神將 一合用黃

紙二十四束白紙二十四束雲馳馬二十四副筆硯案
紙二十四副香茶各一斤祭酒五瓶時果祭食各二十
四分蠟燭二十四條三牲肉各五斤猪牛羊如羊代之乾魚
鹿脯各五斤麻鞋二十四緡淨巾二十四條神位套子
二十四箇祝版一面淨席各十二領木位牌二十四箇
已上物色伏乞牒紹興府排辦銀注梳一副銀臺盞二
十五副茶盞二十五隻拜褥五副已上物色亦係牒紹
興府排辦用畢發還令本府拘收 一合用五方五帝
錢壇錢線等東方青線八尺西方白線九尺南方排線
七尺北方皂線六尺中央黃線一十尺蓋神穴心青紅
線各二尺五方鎮方壇錢每方各一十貫文共五太歲
襯座紫羅三尺土地襯座黃綾三尺淨衣套畫地銀一

錠

十重
兩五

淨水銀梳六隻

每隻
五兩

重

已上物色伏乞行下都

大主管支費所預行排辦詔依